



史部・地理類

〔正德〕姑蘇志（下）

〔嘉靖〕常熟縣志

北京圖書館古籍珍本叢刊

27

書目文獻出版社

ISBN 7-5013-1379-2



9 787501 313792 >

北京圖書館古籍珍本叢刊 27

史部·地理類

〔正德〕姑蘇志(下)

〔嘉靖〕常熟縣志

編者 北京圖書館古籍出版編輯組

出版 書目文獻出版社

(北京文津街七號)

印刷 北京大興古籍印刷裝訂廠

定價 叁佰壹拾圓

ISBN 7-5013-1379-2/Z·199

〔明〕林世遠、王 鏊等纂修

〔正德〕姑蘇志

下

（卷四十二至卷六十）

# 目 錄

|                          |     |
|--------------------------|-----|
| 〔正德〕姑蘇志 下（卷四十二至卷六十）····· | 六三三 |
| 〔嘉靖〕常熟縣志 十三卷·····        | 九五三 |

姑蘇志卷第四十二

官蹟六

中公巫臣楚大夫也云在晉而使于吳教吳以乘車射御驅侵之法使之叛楚寘其子狐庸以爲行人吳用其術以伐巢取駕克棘入州來蠻夷屬楚者吳盡取之後狐庸聘于晉趙文子問曰延州來季子其果立乎巢隕諸樊闕殺戴吳天似啓之何如對曰不立是二王之命也非啓季子也若天所啓其在今嗣君乎其德而度德不失民度不失事民親而事有序其天所啓也有吳國者必此君之子

三十三

蘇志卷四十二

季安

孫實終之季子守節者也雖有國不立

孫武齊人也以兵法見吳王闔閭閭曰可試以婦人勒兵乎曰可乃出宮中美人百八十人孫武分爲二隊以王寵姬二人爲隊長使持戟令曰前則視心左視左手右視右手後則視背婦人曰諾乃設鈇鉞三令五申之於是鼓之右婦人大笑孫武曰約束不明申令不熟將之罪也復三令五申而鼓之左婦人復大笑孫武曰約束申令既明而不如法者吏士之罪乃令斬二隊長王觀見趣使令止之孫武曰臣已受命爲將將在軍君命有所不

受遂斬二隊長以徇用其次爲隊長復鼓之左右前後跪起皆中規矩繩墨無譁孫武使報王曰兵已整齊維王所用之雖赴水火可也王曰將軍罷休寡人不願觀於是王卒以孫武爲將破楚入郢威齊晉以顯於諸侯武之力也

伍子胥楚人也名員其父曰奢兄曰尚費無忌讒奢於平王王囚奢使謂之曰致汝二子則生不然則死奢曰尚爲人仁必來員剛反忍詢能成大事彼見求之其勢并禽必不來使者往員謂尚曰楚召我兄弟非欲生我父也恐脫後生患耳到則俱死

三十三

蘇志卷四十二

季安

何益尚不聽就執員乃奔宋及鄭更奔吳到昭關關欲執之員脫走至江江上漁父急渡之既度員解劍謝父父不受曰楚法得子胥者賜粟五萬爵執珪豈徒百金劍耶員去乞食至吳因公子光以見王僚說以破楚光沮之員知光有內志退耕于野後光欲圖僚員乃進專諸於光以弑僚光立召爲行人員請爲三師以肄楚楚出則歸楚歸則出俟楚敝而後以三師乘之王從之三年員將兵伐楚六年楚伐吳吳使員迎擊破之於豫章取居巢九年又伐楚五戰至郢昭王出奔初員亡謂申包

胥曰我必覆楚包胥曰我必存之及負入郢求昭

王已出奔乃掘平王墓鞭其尸三百包胥使人諭

解負貞曰吾日暮塗遠故倒行而逆施之也時吳

用負謀破楚威齊晉服越人後越敗吳闔閭及夫

差立敗越越王句踐乃厚遺吳請委國為臣貞諫

不聽吳伐齊貞又諫亦不聽既而大敗齊師盜䟽

員後四年越王重賈賂太宰嚭嚭日夜為言於吳

王員諫曰越在腹心今得志於齊猶獲石田無所

一用之願釋齊而先越又不聽使之於齊員臨行謂

其子曰吾數諫王不用今吳亡矣汝與俱亡無益

乃屬之齊鮑牧而還報吳嚭譏於王曰員恨計不

用常快快忽望請早圖之王曰微子之言吾亦疑

之乃使人賜負屬鏹之劍以死員告其舍人曰樹

吾墓上以梓令可以為器扶吾目縣東門之上以

觀越寇之入滅吳也乃自剄死王取其屍盛以鴟

夷革浮之江中吳人憐之為立祠於江上命曰胥

山

昔歌楚人也游學博聞事頃襄王王卒考烈王即位

以為相封春申君賜淮北地十二縣後十五歲歇

請獻淮北地而封於江東王許之歇因城故吳墟

以自為都邑其子為假君王卒李園使人刺殺歇

滅其家

劉牢之字道堅彭城人徐恩之亂都督吳郡諸軍事

使參軍劉裕討平之詳見平亂條

王允之字深猷舒之子也蘇峻之亂督護吳郡義興

亂條

晉陵三郡征討軍事賊平以功封彭城縣侯詳平

周山圖字季弼義興人有氣幹仕宋為吳郡晉陵坊

郡隊主元嘉中以功加鎮軍將軍武帝時轉黃門

郎領羽林西廂直衛

劉晏字士安南華人唐玄宗封泰山晏始八歲獻頌

行在帝奇其幼命張說試之曰邦瑞也即授太子

正字公卿邀請旁午號神童名震一時天寶中累

調夏令舉賢良方正補溫令再遷侍御史祿山亂

辟地襄陽永王璘署晏右職固辭詔拜度支郎中

兼侍御史領江淮租庸事晏至吳郡而璘反乃與

採訪使李希言謀拒之希信假晏守餘杭希言戰

不利走依晏晏為陳可守計因發戰兵堅壁會王

敗欲轉畧州縣聞晏有備遂自晉陵西走晏終不

言功召拜彭原太守累官吏部尚書同中書門下

閻濟美貞元末繇婺州刺史為福建觀察使徙浙

為治簡易居鎮未嘗增常賦

李德裕字文饒栖筠孫吉甫子也卓犖有大節以陰

補校書郎拜監察御史穆宗即位擢翰林學士李

逢吉以舊怨擯之出為蘇州刺史浙西觀察使南

方信機巫雖父母癘疾子棄不敢養德裕擇長老

諭以孝慈大義使歸相曉勅違約者顯實以法惡

俗大變又按屬州非經祠者毀千餘所撤私邑山

房千四百舍寇無所度救詔褒揚之敬宗立詔浙

蘇志卷四十二

一五

西上脂盪耜具德裕奏度銀二萬三千兩金百三

十兩物非土產雖力營索尚恐不逮願宰相議何

以俾臣不違詔旨軍興不疲人不歛怨則前救後

詔咸可遵承又詔索盤條絲綾千匹復奏文彩恠

麗唯乘輿當御今廣用千匹臣所未喻願裁賜節

減則海隅蒼生畢受賜矣優詔為停元和後徐州

王智興給言天子誕月築壇泗州度人以資福德

裕勅智興募願度人輸錢二千不復勘詰普加髡

落自淮而右有三丁男則一祝髮規影徭賦所又

無算臣聞度江日數百蘇常齊民十固八九若不

禁遏則至誕月江淮失丁男六十萬不為細

禁止德裕三在浙西出入十年後為中書門下平

章事封贊皇伯改封衛國公性孤峭明辯有文采

善為文章雖至大位猶不去書生平所論著多行

于世

杜審權字殷衡如晦六世孫也第進士辟浙西幕府

舉拔萃中為右拾遺宣宗時入翰林為學士累遷

兵部侍郎學士承旨懿宗立進同中書門下平章

事再遷門下侍郎出為鎮海軍節度使

孫承祐錢塘人吳越王錢俶納其姊為妃因授要職

蘇志卷四十二

一八

國事無不領轄時稱為孫總監開寶中詔光祿大

夫檢校太保鎮東鎮海等軍行管司馬俶又私署

中吳軍節度七年王師渡江詔俶攻常潤承祐從

俶克常州功居多八年詔改中吳軍真授承祐節

度

任中正字慶之濟陰人通判大名府轉運使陳緯徙

陝西舉以自代太宗曰朕自知之召為秘書丞江

南轉運副使擢監察御史兩浙轉運使民饑中正

不俟詔發廩賑之累遷禮部尚書卒謚康懿中正

軀幹頎特副使江南時帝特賜大笏仍取長絰

賜之

丁守節晉公謂之祖陳贊明太子中允之奇之祖  
夢齡文正公仲淹之曾祖謝崇禮太子賓客濤之  
父錢元璩父子節度中吳時四人皆為節度推官  
其子孫皆至大官

邢昂字叔明濟陰人太平興國初舉五經廷試擢九  
經及第歷官右諫議大夫國子祭酒咸平二年為  
翰林侍講學士轉淮南兩浙巡撫使終禮部尚書  
胡則字子正永康人果敢有材氣以進士起家歷官  
憲州錄事參軍時靈夏用兵則以邊餉乏入奏太

宗因問邊策奏對稱旨上顧左右曰州縣豈乏人  
命記姓名後以太常博士提舉兩浙榷茶

侍其曙字景昇舉進士不第咸平間以閣門祗候為  
蘇杭湖秀等州都巡檢遷左侍禁領東西排岸司  
祥符中累遷西京作坊使惠州刺史知梓滑鄆三  
州曙沈敏有幹略善論利害事朝廷知其人數任  
使之

姚鉉字寶之合肥人太平興國中進士甲科歷京西  
河東京東轉運使徙兩浙路鉉雋爽頗尚氣薛瑒  
知杭州與之不協事多矛盾搃鉉罪數條以聞

使勅之當奪一官特除名貶連州文學大中祥符  
五年會赦後以舒州團練副使卒鉉文辭敏麗書  
筆札藏書至富有異本雖被竄斥猶傭夫荷檐  
以自隨有集二十卷及編唐文粹百卷

陳堯佐字希元閬中人太子少師省華仲子歷知四  
縣累遷開封推官言事忤旨降通判潮州召直史  
館知壽州提點開封府界事後為兩浙轉運副使  
徙京西轉運使

趙賀字餘慶封丘人真宗時累遷尚書工部郎中提  
舉諸司庫務為江淮制置發運使蘇州太湖塘岸  
壞及並海支渠多湮廢水侵民田詔賀與兩浙轉  
運使徐奭兼領其事賀等伐石築隄浚積潦自吳  
江東赴海民歸占田歲出苗租甚多終知壽州

段少連字希逸開封人舉服勤詞學歷官三司度支  
判官出為兩浙轉運副使舊使者所至郡縣索簿  
書不暇殫閱往往委之吏胥吏胥顧為奇貨少連  
命郡縣上簿書悉緘識指取一二自閱撫其非是  
者按之餘不及閱者全緘識以還由是吏不能為  
奸而州縣簿書莫敢不治部吏有過召詰曰聞子  
所為若此有諸有當告我我容汝自新苟以為無

口不使善人被謗即爲汝辨明矣吏不能欺皆以實對少連每得其情諄諄戒飭使去後有能改者猶保任之徙使淮南累遷龍圖閣直學士知涇州少連通敏有才遇事無大小決遣如流不爲權勢所屈既卒仁宗歎惜之

胡瑗字翼之海陵人湖州貢進士景祐初范仲淹知蘇州奏請立學延瑗爲教授瑗以經術首居師席英才雜還自遠而至其後登科名者甚衆明年仲淹入朝又薦其通知古樂白衣對崇政殿授校書郎仲淹經略陝西辟丹州推官密州觀察推官以

蘇州志卷之二十一

一

注

保寧節度推官教授湖州從游者數百人慶曆中興太學下湖州取其法著爲令瑗以疾致仕皇祐中召典作樂事除太理評事兼太常主簿尋復辭罷歲餘授光祿寺丞國子監直講樂成遷大理寺丞賜緋衣銀魚嘉祐初擢天章閣侍講仍治太學尋以疾授太常博士致仕卒瑗嘗患隋唐以來仕進尚文辭而遺經業苟趨祿利及教授蘇湖嚴條約以身先之雖大暑必公服以見諸生設師弟子之禮解經至有要義愾懇爲諸生言其所以治已而後治于人者學徒千數日月剏爲文章皆傳

經誼必以理勝信其師說敦尚行實後爲太學其徒益衆庠序不能容其弟子散在四方隨其人賢愚皆循循雅飭其言談舉止遇之不問皆知爲瑗弟子其學者相與稱先生不問知爲胡公也從游者郡人滕甫范純祐錢藻尤知名當世云

孫瑜字叔禮博平人以父任歷官秘閣校理除兩浙轉運使入辭仁宗訪其家世謂曰卿孫奭子耶奭大儒也久以道輔朕因面賜金紫先是郡縣倉庾以斗斛大小爲姦瑜奏均其制黜吏之無狀者民大喜有言其變新器非使下遷知曹州尋有言瑜

蘇州志卷之二十一

一

注

所作量法均一誠便者乃還其原資累官工部侍郎始奭之亡朝廷錄其後瑜子爲諸孫長當錄瑜不忍因父喪而官其子以兄之孤上之孫甫字之翰陽翟人初舉進士得同學究出身爲汝陽簿再舉進士及第爲華州推官歷官江東兩浙轉運使范仲淹知杭州多以便宜從事甫曰范公大臣也吾屈於此則不得伸於彼矣一切繩之以法然退未嘗不稱其賢累遷至天章閣待制侍讀甫性勁果善持論亦言唐君臣行事以推見當時治亂若身履其間聽者曉然如目見之時人言終

口讀史不如一口聽孫之幹論也

鍾離瑾字公瑜合肥人以開封府推官出提點兩

刑獄衢州饑者聚食之頗廢農作瑾請發米二萬

斛賑給累官至龍圖閣待制權知開封府

田諭字資忠壽安人慶曆中以荆湖北路轉運使徙

兩浙轉運按察使官終龍圖閣直學士知澶州

王鼎字鼎臣館陶人累遷太常博士歷江東西浙河

北提點刑獄召爲開封府判官改鹽鐵判官遷司

封員外郎淮南兩浙荆湖制置發運副使尋擢

使前使者多漁市方物因奏計京師持遺權貴

蘇志卷四十二

二

一無所市獨悉意精吏事事無大小必出於已元

調發綱吏度漕路遠近定先後爲成法於是等

均吏不能爲重輕官舟禁私載舟兵無以自給

盡盜官米爲奸有能居販自贍者市人推以法不

肯償所通鼎爲移州縣督償之舟人有以自給不

爲奸而所運米未嘗不足也入爲三司鹽鐵

累遷河東都轉運使鼎性廉不欺嘗攝知新繁

多職田斗粟不以自入奉使契丹得千緡散之

人一日而盡當官明敏強直不可撓所薦士多

名有終身不識面者

張逸字大隱樂陽人真宗朝歷官中外後以開封府  
推官使契丹遷兩浙轉運使

王益柔字勝之河南人性伉直尚氣喜論天下事用

父曙蔭至殿中丞除集賢校理開封府推官鹽鐵

判官出爲兩浙京東西轉運使上言今考課法區

別長吏能否必明有顯狀顯狀必取其更置興作

大利夫小政小善積而不已然後能成其大取其

大而遺其細將競利圖功恐事之不舉者日多而

虛名無實之風日起願參以唐四善兼取行實列

爲三等不報熙寧元年入判度支審院累遷龍圖

蘇志卷四十二

三

閣直學士秘書監知應天府益柔少力學通群書

爲文日數千言尹洙司馬光亟稱之

孫洙字元規會稽人以尚書工部員外郎提舉兩浙

刑獄爲人跌蕩自放不拘小節然居官以才力聞

彊直少所憚後以觀文殿學士知慶州

王逢字會之當塗人博學能屬文尤長於講說慶曆

中蘇州士人從轉運使乞逢主其學學者嘗數百

人獎養成就者極多洎登第補南雄州軍事判官

歸爲國子監直講兼隴西郡王宅教授久之以太

常博士通判徐州以疾不行求監蘇州酒嘉祐八

年卒官逢爲人樂易篤於友朋與胡瑗收善所著  
易傳十卷乾德指說一卷復書七卷

吳奎字長文北海人性強記於書無所不讀舉五經  
爲大理丞慶曆間策賢良方正入等歷太常博士  
右司諫起居舍人同知諫院唐介論文彥博指奎  
爲黨出知密州加直集賢院徙兩浙轉運使

杜祀字偉長人用父鎬蔭歷官廣南西路轉運  
按察安撫使徙兩浙轉運使

趙吼字景仁衢州人清獻公抃之子也由蔭登第通  
判温州代還神宗命爲太僕丞擢監察御史時抃

已謝事吼以父老請外乃轉提舉兩浙常平以便  
養吼奉抃遍游諸名山人以爲榮

陳公輔字國佐臨海人政和三年上舍第一授承事  
郎平江府學教授時朱勔方驥倖當官者奴事之  
公輔絕不與交勔有兄喪諸生欲往弔公輔不才  
告勔不悅諷權要以其壻同審言代移公輔越州  
除太學博士累遷權應天府少尹除秘書郎奏蔡  
京父子懷姦誤國朱勔罪惡都城之人皆謂已族  
滅其家乞勿許其子姪隨上皇入京繼又以言事  
忤時宰斥監合州稅高宗召除尚書左司員外郎

左司諫賜三品服遷禮部侍郎公輔論事剴切疾  
惡如仇唯不尚程頤之學士論少之

吳祥字守約麗水人登第爲蘇州教授獨不求謁朱  
勔終提舉福建路茶事居官以廉稱仕四十年無  
宅以庇風雨

呂頤浩字元直齊州人歷戶吏二部尚書建炎三年  
金人逼揚州車駕南渡鎮江召從臣問去留頤浩  
叩頭請留爲江北聲援駕幸錢塘拜同簽書樞密  
院江淮兩浙制置使後又以少保爲浙西安撫制  
置大使

張俊字伯英成紀人好騎射負才氣年十六爲三陽  
弓箭手政和間從討南蠻轉都指揮使歷官浙東  
制置使遷兩浙西路江南東路制置使時江浙羣  
盜蜂起俊以所部招收群盜命後軍統制陳思恭  
隸之已而群盜悉平改江南招討使後又爲兩浙  
西路江南東路宣撫使賜安武靖難功臣太傅封  
益國公靖河郡王南渡後俊握兵最早屢立戰功  
與韓世忠劉琦岳飛並爲名將世稱張韓劉岳云  
辛永宗明州觀察使爲浙西馬步軍副總管平江駐  
劄紹興十四年御史中丞李文會言建寧軍承宣

使解河不刺開客不從議及和議既成居常不樂永宗撰造言語變亂是非二人守官寄居皆在平江衝要之地倡爲異說恐使命傳聞致疑非使詔永宗移湖南副總管

李寶河北人嘗陷金國拔身從海道來歸僞亮渝盟紹興三十一年將繇海道襲浙江謀開高宗謂宰臣曰李寶以一介脫身還朝陞對無一毫沮懾是必能事者乃授浙西路馬步軍副總管駐劄平江令與守臣督海舟捍禦高宗問舟幾何寶曰堅全可涉風濤者百二十艘兵幾何曰僅三千皆閩浙

蘇志卷四十二

三

弓弩手非正兵也旗幟甲仗亦麤備事急矣臣願亟發乃賜寶衣帶鞍馬尚方弓刀戈甲及銀絹萬數兼浙西通州海船兵士萬師合萬人詔武臣有勇略知海道者副之八月次江陰將啓行軍士爭言西北風尚勁寶下令敢沮大計者斬遂發蘇州大洋行三日風甚惡慌慨顧左右曰天以是試李寶邪寶心如鐵石不變矣酌酒自誓風即止明日舟散復集將官邊士寧自密州回云其子公佐已挾魏勝得海州寶喜士氣百倍抵東海敵已圍海州寶麾兵登岸以劔畫地令曰此非復吾境力

與否在汝等將士賈勇無不一當十勝出城迎寶

遂遣辯者四出招納降附聲振山東豪傑如王世脩各集義勇爭應援多者數萬人大破北軍于膠西石舊鳴斬其渠帥獲符節文書糧械以萬計焚數百艘俘漢軍三千時亮濟淮聞通泰已陷還軍駐東海寶遣使報捷上喜曰朕用李寶果立功爲天下倡矣是冬賜詔獎諭御書忠勇李寶四字表其旗幟除靜海軍節度使沿海制置使賜金器玉帶旌節告身亮聞膠西之敗大怒召諸酋約以三日渡江於是內變殺亮寶戰具精利宰臣陳康伯取其長槍克敵弓弩俾所司爲式製之卒贈檢校少保

蘇志卷四十二

一

王易河南人以故將子從高宗南渡紹興中爲浙西總管平江駐劄性開爽善屬文爲御前應制眷倚甚厚易嘗遇異人授先天數學成壞皆前知

劉錡字信叔德順軍人紹興末以太尉荆南府帥爲江淮浙西制置使節制逐路軍馬

陳桷字季任平陽人紹興六年自直龍圖閣知泉州改浙西提刑乞置鄉縣三老以厚風俗凡宮室車馬衣服器械定爲差等重修廢之禁官至廣東經

畧安撫使

曾幾字吉甫河南人高宗朝浙西提刑會兄開為禮部侍郎與秦檜力爭和議檜怒出知婺州幾亦罷除廣西轉運副使檜死復為浙西提刑孝宗受禪遷還奉大夫致仕擢其子逮為浙西提刑以便養卒謚文清

朱倬字漢章閩人宣和進士歷官知軍州陞辭因言嘗策劉豫必敗高宗記其言問卿久淹何所倬曰厄於檜上愀然慰諭日送之旬日除國子監丞尋除浙西提舉且命自今在內除提舉官令朝辭上

蘇志卷四十二

十一

殿蓋為倬設也既對上曰卿以朕親擢出為部使者使人咸知內外任均又曰人不知卿朕獨知卿倬每上疏輒風興露告若上帝鑒臨奏疏凡數十如發倉廩蠲米價減私鹽覈軍食率焚稿不傳後以資政殿學士致仕

趙令諤字君序以父任補右班殿直浙西提刑襲封安定邵王蒞事明敏有風采

米友仁字元暉襄陽人太學博士徽之子也宣和中通判太平州大名少尹皆有聲紹興中召見擢尚書郎提舉浙西茶鹽逾年除將作少監

仲升字彌性江都人幼好學強記讀書率至夜漏盡每一編即終身不忘其母一夕屏所觀書几上餘臺曆一本明旦默記吉曜惡殺纖悉不悞登第授平江教授以朱勝非薦特改左承奉郎歷光祿寺丞知蘄州所著浮山集十六卷周必大為序言其自少卓犖不羣潛心問學力排王氏之說尤長於詩律上規風雅其四六叙事雖閑肆而關鍵實密非駢儷所拘官至左朝請大夫

金安節字彥亭休寧人博洽經史尤精於易宣和進士紹興中為侍御史劾秦檜兄知台州梓檜方怒

蘇志卷四十二

一六

兩

會以憂去檜死起知嚴州除浙西提刑入為大理卿言治道以教化為本孝宗朝拜兵部侍郎權吏部尚書以敷文閣致仕陞辭擢紳嘉歎以為中興以來全名高節鮮有其比

顏師魯字幾聖龍溪人紹興中歷國子丞江東提舉改使浙西役法敝甚細民至以鷄豚鬻塌折產力遇役輒破家師魯下教屬邑預正流水籍稽其役之序寬比限免代輸咸便安之鹽課歲百萬本錢久不給亭竈私鬻禁不可止刑辟日繁師魯擢學士盡償宿負戒官吏毋侵移比旁路課獨最上

韓曰儒生能辦事如此陞直秘閣民有訟  
土成田未及受租者發豪多為已利師魯奏但當  
正其租賦不可繩以盜種法失劭農重本意奏可  
遂著為令卒謚定肅

王珏字德全臨川人荆公安石孫也紹興二年起家  
鹽官丞秀州歲以錢給亭民煮鹽至十五年積十  
九萬七千餘緡不給民訴于朝除珏提舉浙西茶  
鹽逾年盡償亭民且贏鉅萬開華亭海河二百餘  
里鹽滋得流通且資以溉田經界法行甚害者三  
百六十餘事其七千二百餘戶為尤病珏奏除之

兼提點刑獄未閱月正大辟重而輕者三人死而  
生者五人移湖南提舉官至直敷文閣太府少卿  
隆興二年卒于吳縣橫山之私第

洪适字景伯鄱陽人忠宣公皓長子也紹興中由嚴  
州錄事參軍調浙西常平司幹辦公事與第遵邁  
俱中詞科號番陽三洪文名滿天下歷知徽州  
浙西提舉以遵知平江引嫌改江東乾道中參知  
政事尚書右僕射同中書門下平章事兼樞密

卒謚文惠

王公實西安人紹興中歷知鉛山常務

韓頴降心條理更以治稱王佐薦頴為選

已為劉珙器重改任蘇邑上應公家之求下撫百  
姓之隱政聲籍甚召監進奏院歷兵部郎官提舉  
浙西常平還澱山湖以泄吳松江二水禁民侵築  
毋使逼塞大流民田賴之又奏備糴本廢圍田二  
事不果行就遷提刑以洗冤澤物為任問諸獄察  
不應繫者縱遣之御史以介僻劾罷卒官寶謨閣  
直學士

章服字德文永康人以詞賦登進士第紹興末知鄂  
州除浙西提舉司賞貸緡錢二萬至是已數年  
服立移替之而戶部復請貸三萬銜命小校耻不  
即得出不遜語服叱之曰此聖旨邪常平民命也  
猶當以法奏覆汝何敢爾尋召為吏部員外郎兼  
皇子慶王府直講

倪千里字起萬東陽人紹興癸丑任蘇學教授因其  
美積以增養士員復作義廩以資禮文之費其餘  
以助士貧而親不能葬與孤孩之遺棄者刻諸學  
宮條目井然戴溪黃由華適為題于後咸紀其事  
王淮字季海金華人高宗朝進士歷監察御史右正  
言乾道中為浙西提刑後至左丞相卒謚文定

鄭與喬字光錫開封人顯皇皇后外家三世孫也

以恩授成忠郎累差浙東提刑易浙西以郡縣積玩檢驗法度刑為格目分界屬縣吏不得行其姦

因著其令卒謚忠肅與喬歷仕四朝以才名結王

知中興外族之賢未有其比

周心大撰其志云謚忠肅

王師愈字與正一字齊賢婺州人師事楊時授易及

論語紹興中第進士與朱熹同年復從張拭呂祖

謙游熹稱其有本有文德望隱然為東州之重歷

浙西提刑官終直煥章閣

孫峴字舉善以詞學擢第拜中書舍人淳熙初為浙

西提舉

蘇志卷四十二

一廿一

以措置支還亭戶本錢及增賣鹽袋興修

水利有勞除直敷文閣兩浙轉運判官

開趙淳熙中以武功大夫英州刺史添差浙西總管

平江府駐劄嘗取肝救父詔曰開趙昔忠於國今

孝於親特轉濮州團練副使初趙奏歸正人在東

南有貧不能葬者已於閭門買地作義墳詔從其

請及趙卒亦葬此

徐誼字子宜一字宏父溫州人乾道進士累官太常

丞知徽州移提舉浙西常平論水利之切於時者

曰昔下流不䟽而水上溢故鑿直曲港還三江故

道開宜興百漕所以順導下流也惟高原田徑乃

瀦阻之爾昔之言水如單鍔邨曹皆是也今開吳

松江下流與宜興百漕屬之海者無慮數十百所

異時浦港磨折以趨海今近浦之民多取徑直疏

決蘇湖常秀舊為澤國比年雨或後至種且不入

蓋圍田眾而疏道多也小人見利不畏其害圍於

淺水既為高田圍於茭蕩既為稻田二俱不已復

有下脚始之重陂太平為平始之良田背水自曬

十日不雨農廢作業然且承用舊說又將疏之失

利害之實矣故舊田溝澮常潞治圍田下脚無輒

蘇志卷四十二

一十七

開已開未填當揅合今之言水者能行是三說則

高原舊田還為衍沃而農不病矣入為吏部郎守

右司郎中寧宗朝知臨安建康隆興三府卒謚忠

文

詹體仁字元善浦城人少有異材始冠第進士光宗

即位提舉浙西常平務為民除害興利謂浙右之

有漕渠非止通饋運資國信律來而已蘇秀常潤

田之高仰者實賴之於是開漕渠浚練湖置斗門

為旱潦倘又以餘力立舉子倉創安濟院所活不

可勝紀散鹽本錢數萬緡亭戶之力歲終課利增

吳體仁穎邁特立博極羣書其學以存誠慎獨爲主真德秀早從之游嘗問居官范民之法體仁曰盡心平心而已盡心則無愧平心則無偏世服其確論

應孟明字仲實永康人光宗初遷浙西提刑孟明以儒學奮身受知人主韓侂胄嘗密遣客誘以諫官俾誣趙汝愚孟明不肯士論重之

劉燾字晦伯建陽人受學于朱熹呂祖謙乾道中遷浙西提刑巡按不避寒暑多所平反有殺人而匿權家者吏弗敢捕燾竟獲之遷國子司業上言浙

蘇志卷四十二

西根本之地宜詔長吏監司戢強暴撫良善廣儲積禁科歛官至權工部尚書卒謚文簡

秦適字正則永嘉人淳熙進士擢平江節度判官史浩薦于朝召之不至改浙西提刑司幹辦公事士多從之游後累官至寶文閣學士卒謚忠定適志意忼慨雅以經濟自負爲文章藻思英發有水心集若干卷行於世

喬行簡字壽朋東陽人受學呂祖謙歷知嘉興府改淮西提舉常平移浙西提刑後拜左丞相卒謚文惠行簡歷練老宿識量弘遠居官事無不言好薦

士多至顯達

程秘字懷古休寧人歷官江東轉運判官遷浙西提舉常平

潘時字德鄰上虞人淳熙中知興化軍召還賜對除浙西提舉至則罷中都饋餉之不如法者豪貴多不樂而平江庫錢失陷守誣富室以取償一郡大擾有致死者時檄罷之守怨時陰以禁兵給白直而誅他司上其事時坐削一官移江西未行又易江東

羅點字春伯崇仁人淳熙中由校書郎除浙西提舉

蘇志卷四十二

十四

規畫荒政凡數十奏躬行畝畝實惠甚博先是崑山華亭之間有澱山湖洩諸水道戚里地豪占以爲田水由是壅點廉得其實奏請開濬且爲圖以獻上從其言百姓勇於赴功不日而畢所濟田百萬畝乃刻石具著其事以防他日築塞之患民甚便之詳水利條平江酒官程師禮嘗爲知府王希呂替過罷郡官吏餞別師禮攘臂語之點上言曰朝廷進退羣臣自有典章師禮敢肆無狀非所以示衆庶也陵夷之風漸不可長乞黜之以正名分上允其請權府事凡四閱月時久旱請雨點獨致敬於